

蓋將自其變者而觀之，則天地曾不能
以一瞬；自其不變者而觀之，則物與我皆
無盡也，而又何羨乎？且夫天地之間，物各
有主，苟非吾之所有，雖一毫而莫取。惟江
上之清風，與山間之明月，耳得之而為聲，
目遇之而成色，取之無禁，用之不竭。是造
物者之無盡藏也，而吾與子之所共適。

蘇東坡前赤壁賦 丁酉年仲夏 蔡榮林



書